

近代中國史料叢刊第三十八輯

沈雲龍主編

存素堂全集（年譜·詩文稿·奏疏）

錢寶琛撰

文海出版社印行

人 人  
人 人  
人 人  
人 人  
人 人

WT201/12

國史館本傳

錢寶琛江蘇太倉人嘉慶二十四年進士改翰林院庶吉士二十五年散館授編修道光元年提督貴州學政三年丁母憂六年丁父憂服闋十一年

京察一等

記名以道府用尋授河南歸德府知府十二年陞浙江督糧道十三年遷長蘆鹽運使未赴任遷雲南按察使十五年遷浙江布政使十七年擢湖南巡撫十八年二月清查苗疆屯防事宜偕總督林則徐酌議條款具奏一清屯田一清佃欠一清支銷一清借款一籌歸

補一清催徵一申邊禁一移屯員又會奏桂陽州泗州寨係苗疆門戶所設巡檢職分較卑難資彈壓請以該州州同移駐而黔陽縣新路市地方極爲遼濶請易名石橋分設巡檢一員卽以泗州寨巡檢移駐專司巡緝疏上均

敕部議行三月因苗疆历年歉收丁佃拮据援案請借口糧籽種以資接濟

允之四月以湖南提督駐紮常德不符定制復偕林則徐疏言湖南北營務原歸湖廣提督統轄是以駐紮湖南之常德府城爲兩省適中之地自嘉慶二年經前督

臣畢沅議辰州逼近苗疆爲鳳凰永綏乾州三廳要隘距常德較遠遂於每歲分作上下半年往來駐紮兩府迨嘉慶六年分設湖南提督專管通省營伍旣不兼轄湖北自應常駐辰州乃歷任提督多以辰州逼處巖疆而常德近在省會駐紮爲便殊與定制不合應請申明原定章程將湖南提督常駐辰州用資彈壓仍於年底酌赴常德駐紮一半月亦不致顧此失彼得

旨允行閏四月以前開湘鄉縣礦足供數年軍火之用請照例封禁又以錢法壅滯請停寶南局鼓鑄疏入均

報

聞八月御史黃樂之奏湖南廣東交界地方屢有搶劫重案  
遵

旨議奏湖南之宜章縣與廣東之樂昌等縣接壤曾經建卡  
會哨嗣後應令無分畛域加意巡防時湖南頻遭水  
患奏言湖南諸水咸歸洞庭近年居民各就水中淤  
沙私築隄垸阻遏水道見飭一律毀除並加嚴禁以  
資宣洩奉

諭妥實辦理九月調補江西巡撫十九年正月甄別年力就  
衰之萬載縣知縣龔士範等勒休降調有差如所請

行並

諭曰整飭吏治第一要事無憚煩無避怨實力勉爲之七月  
因雨水傷稼請發帑撫恤被災州縣

上飭據實查奏尋覆奏各縣被水情形並請緩徵錢糧以紓  
民力

從之十一月以南湖等營水師號船笨重不便駕駛疏請倣  
照民船改造試辦

從之二十年六月遵

旨議覆鴻臚寺少卿葉紹本條陳捕盜事宜奏曰講求捕務  
不患立法之未詳惟患奉行之不力江西贛州等處



界連閩粵民情獷悍搶掠時聞業經籌費嚴拏頗爲  
斂跡近復添設卡座更爲周密九江等處界連楚皖  
濱江臨湖易藏奸宄巡船均已朽壞業經另行改造  
甚爲得力並飭屬一體整頓奏入報

聞時嚴禁吸食鴉片九月疏言此次拏獲煙販立有會同號  
數急應解散已咨鄰省分路截拏惟監獄不能多容  
尤不宜聚集一處訊明後應照奏定章程卽行發配  
而閩廣人犯向例兩省互發深恐勾結爲奸此外沿  
海地方似亦未便發住應酌量無礙省分均勻發配  
不得專發一二縣以致生事

上韙之又以歲收豐稔穀價平減奏稱各屬需穀甚殷而舊章祇支鹽務公費銀八千兩當此穀賤銀貴不免坐失機宜請借藩庫銀三萬餘兩及時採買於倉儲大有裨益疏入下部議行二十一年正月鴻臚寺少卿張秉德奏寶琛所辦煙案既稱並無匪徒滋擾復奏奸民糾眾結會何以前後不符又湖口縣知縣朱建溪甫經總督裕謙奏參情銷鹽斤寶琛旋請揀調廬陵縣知縣何以毫無聞見

諭令明

明白回奏旋奏稱先時實無滋事情形奏後始據建昌等府報拏匪徒並有總頭李正昌等在閩廣交界糾

國史館  
四  
眾結會販土各情故前後據實直陳不敢捏飾至朱  
建溪所銷鹽斤先據鹽道詳參缺銷過多嗣以漏繳  
水程實止六分以上例免參處申請更正適督臣裕  
謙前赴上海相距較遠而揀調僅一月例限以致未  
及札商是參處在未更正之先而奏調在既更正之  
後得

旨免其置議五月調湖北巡撫未赴任因病請假旋請開缺  
允之二十三年以辦理夷務需費繁多捐錢五千串咸豐三  
年

命在籍會同地方官辦理團練勸捐各事宜旋捐軍需銀一

千兩奉

旨交部從優議敘九年卒



頤壽老人年譜卷上

太倉錢寶琛伯瑜自訂

男 鼎銘 謹注

乾隆五十年乙巳一歲

生於城南舊宅

男鼎銘等謹按 先大夫字楚玉一字伯瑜晚年  
 自號頤壽老人家有蘭園人又稱蘭園先生先世  
 自道晟公由海虞遷居太倉之湖川塘遂為州人  
 四傳至浩川公諱桓由進士為縣令累官至南贛  
 巡撫崇祀鄉賢江西四川祀名宦任邱祀五賢祠  
 五傳至叔茂公諱煥附監生贈文林郎刑科給事  
 中累贈通奉大夫順天府府尹崇祀鄉賢六傳至  
 美瞻公諱波考取中書七傳至左黃公諱褒錫候  
 選州同知是為 先大夫高祖曾祖範疇公諱渭  
 祖固亭公諱文燦皆太學生父省庵公諱鳳孫附

註

註

監生鄉飲大賓三世皆

贈資政大夫兵部侍郎江西巡撫曾祖妣氏張氏郁祖

妣氏楊妣氏聞皆

贈夫人先大夫於  
是年三月初二日午時生舊宅在

南門內旱涇橋先大夫高伯祖諱晉錫舊居

丙午二歲

丁未三歲

是年二弟寶球生

戊申四歲

己酉五歲

庚戌六歲

始就塾時伯父梧堂公延王芑堂先生課堂兄星

壁因附學焉

是年三弟寶瑛生

梧堂公會祖固亭公長子諱鳳飛芑堂先生諱樹  
獲歲貢生

辛亥七歲

讀四子書

壬子八歲

癸丑九歲

從李秬香先生讀經書

秬香先生諱錫瓚乾隆己酉舉人華亭縣教諭

甲寅十歲



十月 祖母楊太夫人卒

十一月葬 祖父固亭公 祖母楊太夫人於二十

二都下七岳師圩之原

乙卯十一歲

移居州西新宅

延族伯在岡先生教讀

先世家素封自曾祖固亭公歿後楊太夫人以城南舊宅授先伯祖先祖得州西新宅湫隘殊甚葺而廣之費不訾家計遂細舅祖聞素廬先生輒袖金相貸祖母聞太夫人慮貽先祖愛私納之以濟緩急有則償之率以為常在岡先生諱廷桂邑痒生

嘉慶紀元丙辰十二歲

延沈滄洲先生教讀

是年

恩免錢漕

滄洲先生諱端嘉慶庚申恩科舉人甯國府訓導

丁巳十三歲

學作時藝

戊午十四歲

應州試

己未十五歲

庚申十六歲

應州院試

辛酉十七歲

延王小村先生教讀

小村先生諱曾茂道光壬午科舉人與先大夫  
爲中表兄弟先大夫及三叔父慕蓮公並受業焉

壬戌十八歲

應州院試

癸亥十九歲

應州院試學院平寬夫先生科試取入州學

伯父梧堂公卒

是年大水災

甲子二十歲

從陳寅堂先生學

是年元配陳夫人來歸

寅堂先生諱震乾隆庚子科進士

先妣陳夫人崑山縣廩貢生江陰縣訓導燮堂公  
諱世和第三女世居甬直鎮

乙丑二十一歲

應歲試

是年女婉生

丙寅二十二歲

應科試

丁卯二十三歲

從徐保堂先生學

應鄉試薦而不遇房師爲沛縣令海甯許順庵先生  
是年大熟

保堂先生諱階泰嘉慶甲子科副貢生

戊辰二十四歲

學院萬和圃先生歲試取一第一名補增廣生

應恩科鄉試

己巳二十五歲

補廩膳生學院玉研農先生科試取一等

是年生女殤

庚午二十六歲

應鄉試玉研農先生考試優貢備取第二名

大姊歸邑庠生黃君綏章

是年元配陳夫人卒

辛未二十七歲

學院劉洵芳先生歲試取一等

是年三弟入州學

壬申二十八歲

國書考卷之三  
學院文遠皋先生科試取一等應考選拔

癸酉二十九歲

應鄉試

是年繼配陳夫人來歸

先妣陳夫人燮堂公第六女

甲戌三十歲

應歲試

生女殤

是年伯母楊太孺人卒

乙亥三十一歲

由廩生捐貢十一月入都

是年姊婿黃君綬章卒

先大夫北上里中諸老賦詩話別有風雪送行圖  
畫卷

姑母撫前室女及側室子如已出持家有法

丙子三十二歲

中順天鄉試第十九名房師爲詹事府左贊善後官  
協辦大學士謚文愨濰縣陳偉堂先生座師爲太保  
文華殿大學士謚文恭富陽董蔗林先生禮部右  
侍郎後官戶部尙書當塗黃左田先生都察院左副  
都御史後官工部尙書謚文恭蕭山陸平泉先生



是年繼配陳夫人卒

左田先生諡勤敏先生得先大夫卷歎爲獨絕  
質諸副憲陸公曰此卷可定元矣陸公意躊躇請  
置第六復逡巡曰此卷固佳自當以魁處之先生  
佛然不悅竟置十九揭曉後爲先大夫言之容  
嗟良久自此知契益深

丁丑三十三歲

應會試薦而不遇房師爲內閣侍讀學士灌陽鄉滋

圃先生

應考教習

五月附浙江糧艘南歸十月抵家

戊寅三十四歲

三月爲 父母稱六十壽觴

十月入都

己卯三十五歲

中 恩科會試第一百二十五名房師爲翰林院編  
修後官侍讀懷遠宮辛楣先生座師爲協辦大學士  
吏部尙書後官 文淵閣大學士大庾戴可亭先生  
兵部尙書如臯戴紫垣先生禮部左侍郎後官工部  
尙書諡文簡高郵王伯申先生詹事府詹事後官刑  
部尙書調直隸總督諡文毅長白那繹堂先生

殿試第二甲第十九名

朝考入選第十八名奉

旨改翰林院庶吉士充 武英殿協修

十月

萬壽慶典恭進全韻詩冊

是年始建太倉會館

都中舊有會館屋隘而陋先大夫謀之嘉定徐  
桓生年丈經崇明陳心伯年丈兆熊鳩資購宣武  
門外大街球芝巷屋一區即今太倉會館也

庚辰三十六歲

四月散館一等 授職編修

五月請假回籍

十月入都供職仍充 武英殿協修

覃恩封 父省庵公文林郎 母氏聞孺人

賜贈 伯父梧堂公 伯母氏楊如之

道光紀元辛巳三十七歲

三月恭送

仁宗睿皇帝梓宮奉安

昌陵

恩加隨帶一級

覃恩賜贈 祖父固亭公儒林郎 祖母氏楊安人

晉封 父儒林郎 母安人

四月考試差

五月與修

仁宗睿皇帝實錄十一月恭纂三卷進呈

十二月奉

旨簡放貴州學政

堂兄星壁卒

是年繼配陳夫人來歸

堂伯東甫公歿後多子女一切婚嫁及織悉諸務  
 皆先大夫為之區處諸姪中有過失必反覆勸  
 戒改而後已從堂兄訓銘為人端謹試輒高等食  
 餼後忽得瘵疾歿先大夫哭之慟時存恤其孤  
 暮年猶月必往省焉  
 先妣陳夫人燮堂公第八女

壬午三十八歲

三月抵貴州任科試貴陽安順大定遵義興義五府錄送鄉試正遺科舉三千六百餘名考取優貢張日融等二名

十一月先妣聞太夫人卒於里第

生子殤

女婉歸邑庠生陸宗麟

是年三弟中江南鄉試舉人

先大夫按試所至餽遺概弗納簡約廉從遇山城小邑假宿官署以省供億每按臨先期牌示所過州縣供給勿以珍錯食止數簋自幕佐以下遞降有差一日莅某郡適遇斷屠縣令聞使節至欲下

令開屠急止之日茹蔬菜而已施秉令過公廉明  
好士設講堂於官廨親課諸生文風丕振是科新  
舊生前列者皆其所造就先大夫手書匾額贈  
之並言於方伯縻公旌異之又童試有年老者輒  
加意錄取以爲讀書勵志者勸

癸未三十九歲

正月聞赴奔喪四月抵里

覃恩贈元配陳氏繼配陳氏安人

是年大水爲災疏濬劉河

祖母聞太夫人性賢淑延師課諸子讀供饌極豐  
而自奉甚薄日食齋鹽數事而已先大夫聞訃  
奔喪回籍哀毀幾不能成禮後每與鼎銘等言  
先祖母事輒淚下是年五省大水時侯官林文忠  
公陳臬於蘇急行賑濟屬先大夫襄其事州治  
西鄉最低窪漂沒廬舍棺槨無算柴拵相屬於道

先大夫乘小舟赴鄉量地設粥賑數處露幣皆掩  
理之時劉河日就淤塞水澀不行遂議請開浚

甲申四十歲

主講徽州古紫陽書院

仁宗睿皇帝實錄告成

恩加一級

賜銀兩表裏復拜官磁九事之

賜

先大夫主紫陽講席造就甚衆尤著者爲少司馬  
王公茂蔭端亮弼直爲一時人望

乙酉四十一歲

正月里中公舉吾父爲鄉飲大賓



葬 先妣聞太夫人於二十二都新阡耐元配陳夫人繼配陳夫人於昭位

四月入都供職仍充 武英殿協修

是年子鼎銘生

丙戌四十二歲

五月辦理院事兼撰文

八月 先考省庵公卒於里第九月奔喪回籍十一月葬 先考省庵公於二十二都新阡

是年適陸氏女婉卒

先祖治家有法督 先大夫昆弟尤嚴籌鑿課讀  
漏三四下方止與人共事推誠相告不設城府族